




國家圖書館, NATIONAL CENTRAL LIBRARY, TAIWAN, R.O.C.







國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.





Inches 1 2 3 4 5 6 7 8
Centimetres 1 2 3 4 5 6 7 8 9 10 11 12 13 14 15 16 17 18 19


TIFFEN Color Control Patches


© The Tiffen Company, 2007

Blue	Cyan	Green	Yellow	Red	Magenta	White	3/Color	Black
[Blue patch]	[Cyan patch]	[Green patch]	[Yellow patch]	[Red patch]	[Magenta patch]	[White patch]	[3/Color patch]	[Black patch]




國家圖書館, NATIONAL CENTRAL LIBRARY, TAIWAN, R.O.C.







國家圖書館, NATIONAL CENTRAL LIBRARY, TAIWAN, R.O.C.



3393392 v.9

國家圖書館, NATIONAL CENTRAL LIBRARY, TAIWAN, R.O.C.





國權

永樂三年乙酉

正月庚子諭天下文臣

楚王禎來朝丙午辭歸

辛丑夜大星自文昌流紫微東南蕃外

甲辰夜月犯畢宿

乙巳寧夏屯田積穀獨溢勅勞總兵官何福

夜大赤星自參宿流至雲中

國權



永樂三年

一

監官設邊孺木著



國家圖書館, NATIONAL CENTRAL LIBRARY, TAIWAN, R.O.C.




丁未 皇孫 瞻 墉 生

前軍都督僉事華聚卒盱眙人始燕山左護衛百戶從靖難
壬子諭天下武臣 遷庶吉士楊相劉子欽彭汝器王英王
直余鼎章王訓柴廣敬王道熊直陳敬宗沈升洪順章朴余
學夔羅汝敬盧翰湯沅李時敏段珉俛維哲袁天祿胡紳楊
勉及脩撰曾榮編修周述周孟簡肄學文淵閣庶吉士周忱
自請願從諸英敏 上壯其志許之車駕時過臨淮揚榷藝
文五日一休沐使官校隨之最為華貴
諭明年外吏來覲以雲南遠免之

甲寅遣御史李琦行人王樞賈勅詰安南胡王奩篡奪之故
丙辰國子祭酒胡儼請申明洪武年間學規從之
丁巳夜大星自太微西垣行入軒轅

戊午右軍都督僉事馬榮轉漕北

浙江嘉興知縣蔡楫樂安典史蕭福並為監察御史吏科都
給事中李亨降禮科給事中
行人南海譚勝受千戶楊信使瓜哇國招舊港流民梁道明
等初南海梁道明販瓜哇家馬令眾數千人指揮使海南諸
遇道明子携歸故遣勝受等勅諭之



庚申免順天永平保定田租二年

壬戌擢張輓金吾前衛指揮使

火州回回滿刺木牙木丁等來朝

是月後軍都督僉事陳用卒用安徽霍邱縣人

乙丑湖廣荅意等五寨生苗納款刻箭為誓命善撫之

二月丁卯朔召宣府總兵官武安侯鄭亨回京

河決河南馬村隄命急塞治之

己巳北京刑部尚書雒僉有罪誅初僉言朝廷近用率藩邸

舊臣非至公又侍衛將軍獨光祿給饌語涉怨謗上未之

罪至是左都御史陳瑛等劾其婪虐專威福其妻行部葦守

令脅貨強市按得之並論死

夜大星自太微西垣行入張宿有二小星隨之

庚午改大寧前衛濟川衛天策衛為漢府王護衛改彭城衛


永清左右衛曰常山中左右護衛為漢府

辛未蜀王椿來朝戊寅辭歸

壬申寬和州民貸官稻三千四百七十餘石俟明年償之

雲南寧遠州土同知刀言罕奏安南侵猛慢等七寨據臣塔

及女掠人畜徵納差發求憫救命禮部馳勅具實情以對



刑科都給事中馬植以欺罔誅

癸酉廣東按察副使耿賢有罪戍邊

甲戌永平衛指揮使李宏縱入內地掠伏誅

巡按福建監察御史洪堪言十事曰設義塚曰祀唐觀察使

常衮曰存邱孤獨曰按察司錄囚遇番異必親鞫曰防倭軍

戶不得再充塚曰駙夫預支廩費免困迫曰小訟付里老

曰申明鄉飲酒禮曰各鄉申明亭集諭國法曰脩築塘堰圩

岸備旱澇 上皆納之

辛巳遣兵部郎中徐子良勅諭武宣洛容降民黃田荔浦降

民廖均用等有逆跡如若有人司虐其遣一二人隨勅使入訴

廣西總兵官右軍都督同知韓觀請討桂平蠻 上命輯之

壬午翰林院編修陸具瞻為趙府左長史

命趙王高燧立國社國稷山川等壇于北京時方留守


金吾左衛指揮周廷貴有罪伏誅

甲申武城侯王聰同安侯火真率精騎三千往巡迤北

平江伯陳瑄充總兵官前軍都督僉事宣信

丁亥命寧夏屯田專旱穡

癸巳懷慶蝗災許民以鈔代田租



甲午把蘭等處女直野人卯义等來朝設撒力衛卯义為指揮僉事

三月丙申朔浚江南溧陽縣臘暗河

夜金星犯壘壁陣東第五星

丁酉女直野人頭目温勉赤等來朝設兀者穩勉赤千戶所
戊戌夜金星犯木

己亥都指揮同知蔡彬姜清馮斌等率舟師巡海備倭

蒲城郡主卒秦愍王之長女嫁儀賓吳倫

哈密頭目言忠順王安克帖木兒率命馳祭兀子脫、襲封

忠順王脫、幼俘入中國至是祖母速哥失里求還

壬寅夜月犯天樽中星

甲戌併威、衛吏卒于肅州衛增設中右中中二千戶所


琉球國中山王武寧入貢表謝勅封

丙午勅諭鎮守山西大同江陰侯吳高以下將寇西涼可飭
士馬嚴備

賑邳州饑民粟九千石 上倍給之

誅浙江寧波衛指揮龐義喬英備倭失機故也

戊申山東道監察御史郁文不諳刑名改為工科給事中



壬子行人王麟為廣西布政司右叅政

癸丑夜有大星犯壘壁陣西第五星

甲寅定屯田賞罰條例

免湖南常德長沙黃州岳州等府水災田租一半

定遼東互市馬價上上馬絹八匹布十二疋上馬絹布減半

之中馬絹三疋布五疋下馬絹二疋布四疋駒絹一布三

戊午河決河南溫縣滄田四十餘里命有司亟塞治之

己未夜大星自角有聲入于井而散

辛酉福建福州教授王鐸為刑科給事中

癸亥夜大星火燭地自張宿行至雲中

四月丙寅朔琉球國山北王攀安入貢

己巳給寧夏甘肅火藥兵器

壬申除絕戶田租


癸酉夜大星自天市西垣行至亢宿

丙子周世子有燬來朝

湖南內鄉知縣胡恪為山西道監察御史

丁丑琉球國中山王我寧入貢賀萬壽

己卯寧化王濟煥長山王賢煖來朝



庚辰賜別失八里王沙迷查干初哈密阿克帖木兒為鬼力赤毒死沙迷查干問其罪 上義之

壬午萬壽節定命婦朝賀止三品以上

癸未工部尚書黃福改北京行部尚書左都御史陳瑛劾福不卹工匠也

琉球國山南王汪應祖入貢表謝

甲申灣甸長官司改灣甸州設流官吏目

丙戌儒士西安馬巨江為翰林五經博士 上問巨江之學行徵至辭老勅諭致仕

夜月犯壘壁陣第三星

戊子副總兵都指同知呂毅捕倭八十七人械至京


己丑廣西遷江縣蠻亂命韓觀先撫如不悛則兵之

辛卯命廣東瓊州通判劉銘撫羅活諸洞生黎

五月壬寅武安侯鄭亨領騎兵千兵步三千巡宣府興和諸邊

午武鄉縣丞史克新為山東道監察御史

癸卯駙馬都尉胡觀罷朝請左都御史陳瑛等劾觀矯稱為內使脅取上元女子數十餘人娶妓預曹國公李景隆逆謀宜罪故有是命



丙午尤溪知縣黃采為陝西道監察御史

丁未肅王模來朝已外辭歸

勅武城侯王聰同安侯火真曰聞鬼力亦在下魯屯之地可遣探若寇開平即設伏擊之

辛亥夜大星有光自箕宿行至近濁

丙辰代王寧王秦王晉王永興王高平王平陽諸王多失

上賜周王齊王楚王蜀王等曰朝廷不能篤親吾恒戒此居嘗教子孫惟在重骨肉蓋吾初奉藩豈不能身體其事哉弟藩國亦當仰朝廷之心而亮其誠比代寧秦晉永興高平平


陽諸藩稍不順理聽細人形諸怨謗魔鎮皆容忍不問此特小恩耳 皇考之法度吾嗣位而不能守之又何以服天下之心亦惟當念 皇考各盡厥道共享富貴豈有涯哉 壬戌捷為典史宋亨為戶科給事中靈臺縣丞姜迪為廣西道監察御史

癸亥頌陽王有烜來朝

六月乙丑朔右都督僉事王英卒英安徽合肥縣人

江南大雨水

戊辰授察罕達魯花都督弟哈塔千戶以入貢言鬼力赤留



湖廣都司奏言楚王付鈇牌驗門夜出 上賜王書曰門鑰
屬都司軍衛王牌非制其即革


庚午朝鮮國王李芳遠入貢上表言素想雅樂請頒樂器
上從之

壬申簡縣知縣劉子春復山東道監察御史

癸酉慶成王濟炫多失前從潞州至是還太原諭晉王濟熺
訓戒之

已卯命太監鄭和等賜勞古里滿刺加諸國役卒共二萬七
千八百七十餘人寶舡六十三艘其大脩四十四丈博十八
丈次脩三十七丈博十五丈所經國占城瓜哇舊港暹羅滿
刺加柯枝古里黎伐南渤里錫蘭裸形溜山忽魯謨斯啞魯
蘇門答刺那孤兒小葛蘭祖法兒吸葛刺天方那丹

顧起元曰按此一役視漢之張騫當惠等鑿空西域尤為
險遠後此負外陳誠出使西域亦足以方駕博望然未有
如和等之泛滄溟數萬里而編歷二十餘國者也當時不
知所至夷俗與土產諸物何以舊傳安在兵部職方成化
中中旨訪下西洋諸事郎中劉中夏取而焚之意所在必
多恢詭譎謫怪遠絕耳目之表者所燬方物亦必不止于



殉醬叩杖蒲桃塗林大鳥卯之奇而星槎睽覽紀纂寂寥
可考驗使後世有愛奇如司馬子長者無復可紀惜哉莫
其以取寶為名而不審于周官王會之義哉或曰寶舡之
役時有謂建文帝入海上諸國者假此踪跡之若然則見
聖意愈淵遠矣

安肅等縣蝗命捕之

夜火水星犯軒轅大星

庚辰遣中官山壽等領騎出雲州會武城侯王聰等覘下每
三十里置五馬俟馳報

甲申戶部尚書夏原吉右僉都御史俞士吉通政司左通政

趙居任大理寺少卿袁復賑蘇州松江嘉興湖州饑民

免農民戶口食鹽鈔

乙酉大興教諭趙緯為禮科給事中


周王橚言河水退惟脩舊邸于是罷洛陽之役

丁亥拓西安門外周垣

大理寺卿呂震言文官初犯杖記罪還秩停俸三月今多恃

恩箴法乞再犯論如律上命再犯仍宥之三犯然後如律

戊子夜大赤星有光燭地自天津流入織女



庚寅安南國王胡奩遣使阮景直等同御史李琦等入朝奏
曰臣父子實陳氏之甥陳氏喪亡無可繼故國人舉而屬臣
耳臣飭賦率妻子躬力作奉上國之不敢暇疇敢抗天平其
裔孫臣請歸而事之臣得完首領已足矣祿州諸寨地已還
臣俛伏俟命誅之宥之惟出自陛下大度上悅之
湖廣都指揮僉事謝鳳招降治古等十八寨

七月甲子朔夜大星光燭地自勾陳旁流至紫微西蕃外

丙申諭趙王高燧選漢胡六十人領以二指揮往北峴

丁酉設算子坪長官司隸屬湖廣答意治古寨二長官司隸

貴州

戊戌興平鳳翔進瑞麥群臣表賀 上薄其諛佞

己亥浚江南山陽縣運鹽河十有八里

辛丑夜月入氐宿


壬辰漠北平章把都帖木兒倫都兒灰自塔灘以部屬五千
餘人款甘肅把都帖木兒入京

癸卯授把都帖木兒右軍都督僉事賜名氏吳允誠倫都兒
灰後軍都督僉事賜名氏榮秉敬保任陝西行都指揮僉事
賜名氏楊效誠餘指揮千戶百戶鎮撫有差

國權

永樂三年

十一



周府長史移榜郡縣 上諭周王戒之

甲辰遣行人聶聰等同安南使臣往約國王胡奎迎陳天平
夜有大星火光燭天自扶筐流天梧沒

丙午暹羅入貢

丁未夜大星自北斗魁外行至玄武旁有二小星隨之

戊申定中山武寧王祭歲正旦清明七月望十月朔冬至

己酉命吳允誠柴秉敬并部屬散居涼州給牛畜嘉宋晟招
徠之功勅賜鈔幣

占城國王占把的賴入貢真臘告國王荼烈婆毘牙之喪


巡按廣東御史汪俊民言環瓊州皆大海中有大小五指黎
母等山為生熟黎人數比歲軍民逃入導惡俗性頑獷山水
峻惡有宜倫縣熟黎峒首王賢祐奉命招黎人甚眾可量授
官俾招諸峒約束之母納叛其熟黎賦而不徭生黎向化許
免賦三年峒首差其功賞庶黎可馴也從之

庚戌命平江伯陳瑄于天津城北造露囤貯海運

辛亥遣序班王孜祭故真臘國王荼烈婆毘牙 科給事中

畢進內使王琮封荼烈昭平牙真臘國王

元江府改元江軍民府



壬子車里宣慰使刀進咨請攻八百大甸宣慰使刀招散
上遣司賓田茂推官林楨賫勅往諭刀招散等又勅西
平侯沐晟嚴兵以待慮老撾乘車里之虛選萬五千人往備
癸丑設孟良府隸雲南都司土官刀哀為孟良知府
除江南崑山縣荒田租二萬七千一百石有奇
甲寅福建都指揮使司張鑑捕倭通賄掠民成大寧
元江軍民府知府那榮請率兵攻刀招散上勞嘉之
夜大星自土司空東南行後有一小星隨之
丙辰山西太原左護衛總旗孟全等謀叛事泄伏誅

戊午宛平知縣賀銀為通政司右贊議以守城有功


江西道監察御史汪俊民改刑科給事中

夜大星自羽林軍南行有光

庚申工部左侍郎張思恭改北京刑部左侍郎

壬戌西卷酋長鎖南等率眾來歸

八月戊辰禮部尚書兼左春坊大學士李至剛有罪下獄
戶部尚書郁新卒新臨淮人伉爽負奇氣洪武間徵授戶部
度支主事賜今名進郎中左侍郎數對稱旨問天下郡縣戶
口錢穀輸轉占對無遺大被寵眷拜尚書至是賜祭葬



劉鳳曰郁新方締造時主大計非其才長于應變善心計
無所漏失烏能免哉及壬午之際委任無改信乎其工為
自謀也

潮溢仁和海寧等縣淪田七十四頃有奇溺四百四十一人
已巳申明學校舊規

漠北濶、兒不花等二十五人來朝

壬申翰林學士王景翰林院侍讀學士王達主試應天

丙子設兀者撥野木千戶所

丁丑旦老人星見南極

辛巳遼王植來朝丁亥辭歸

夜月犯天囷

壬午永興王尚烈來朝

山淄川等縣好蚌生命捕瘞之


丙戌雲南鎮守順昌伯王佐貪賄被劾命逮至下獄

戊子兵部左侍郎喬穩改為北京行部左侍郎

改河南左叅政張定謫驛山東至是除河南道御史

己丑設赤不罕衛失兒哈達兒等為指揮千戶百戶

庚寅夜有大星出白天倉流至東南方有二小星隨之



壬辰設屯河安河二衛女直野人頭目來朝

九月癸巳朔蜀世子悅熾來朝

甲午設福建來遠驛浙江安遠驛廣東懷遠驛各于市舶提

舉司侯頓蕃使

乙未夜有大星白光燭地自北斗魁北行二小星隨之

丙申監察御史周新為雲南按察使司

丁酉河南山西都指揮使金玉歐陽青為中軍都督僉事大

寧都指揮同知柳升為左軍都督僉事遼東都指揮同知呂

毅為前軍都督僉事陝西都指揮同知趙忠脫列于為後軍

都督僉事脫列于食祿不視事

免蘇州常州松江杭州湖州嘉興水災今年田租三百三十

七萬九千七百石有奇

夜大星有光燭地自即位行至近濁一小星隨之


己亥刑部尚書鄭賜改禮部尚書吏部左侍郎陳洽為大理

寺卿大理寺卿呂震為刑部尚書

辛丑戒諭周王櫛檀調湖州官軍虐繫平人

右軍都督僉事馬溥降為陝西行都指揮同知

癸卯蘇門答刺國酋長宰奴里阿必丁滿刺加國酋長拜里



迷蘇刺古國里酋長沙米的俱入貢詔封國王賜印勅誥

四川亞堅等十一寨生苗俱轄酉陽宣撫司免其徭賦

夜有大星青白光燭地自天厨流入天棓一小星隨之

乙巳時屢有告齊王樽橫虐不法上作書嚴戒飭之

戊申谷王樽來朝辛亥辭歸

庚戌免山西聞喜縣今年荒租四千六百七十三石

夜月犯畢宿

辛亥夜月犯天關星

癸酉夜月犯天樽西星

乙卯辰哇國西王都馬板入貢其隣磔里日羅夏治金猫里

三國各同入俱賜錦綺襲衣

丁巳楚世子孟烷來朝

徙太原平陽澤州潞安遼州沁州汾州民萬戶實北京

江西南昌前衛水壞城

夜大星赤光燭地自天園行至近濁


戊午賜齊王樽書曰輒用護衛兵守青州城北門自廣智問

外接園苑築牆截往來守吏不得登城夜巡此何為者其他

尚多不法兄雖愛弟能不為之投杼乎

國權 永樂三年

六



行人聞良輔還自蕃國擢廣東按察使

庚申慶王楫來朝辛未辭歸

夜大星青白光燭地自紫微垣內尚書旁北行

十一月乙丑盜殺駙馬都尉梅殷殷夏邑人汝南人思祖從子
寧尚國公主負才氣太祖最眷注受遺詔顧皇太孫善視
之及上即位心忌殷不置前軍都督僉事譚深錦衣衛指
揮使趙曦偵早朝舟經竺橋擠溺死長公主泣訴上俄都
許成發其事上詰譚深趙曦曰陛下命也上怒落督
其齒斬之賜梅殷祭塋謚榮定子順昌中軍都督同知景福

旗手衛指揮使俱食祿不視事後改孝陵衛指揮使世襲舍
人瓦剌輝探深曦賜祭殷畢自經


設遷曰梅駙馬受遺輔政有蹇之節地系懿密義不得


辭天室而蹈西山履虎自危賦祖未狎嗟乎駙馬安所死

哉然堂聖明出鉏魔之下智非所以樹威于天下也

史雖諱言之其誰信焉

丁卯詔諭番速兒米囊葛卜呂宋麻葉甕南巫里婆羅六國
上偵齊王樽不軌事俱實封劾章又書戒之曰非分之恩不
可數得王其早省之母後悔





戊辰周王楠上章深陳罪悔 上善之令其緘示齊王

庚午故兵部郎中徐銘起山東道監察御史前謫戍安東不

癸酉設沙州衛赤斤接界困即來買住為指揮使

乙亥趙王高燧來朝癸未還北京

懷遠等縣金州俱旱許民間以荳麥代租

丙子左軍都督同知許成封永新伯食祿一千石

戊寅尚寶司丞朱琇為少卿鴻臚寺序班袁忠徹為尚寶司

丞皆藩邸舊侍

己卯通州衛指揮滑縣王立嘗封股療父疾上聞之特命

歸養賜鈔

庚辰前燕府紀善胡安為戶科給事中

壬午賜滿刺加國鎮國山碑銘 上自撰

夜有大星自紫微垣行至游氣中

丙戌設雲南洱海千戶所

夜月望謁者星

戊子賜周王等訓祖訓

庚寅設海刺兒千戶所 女直野人

夜大星有光自內階北行入北斗

辛卯行人時中還自琉球國復四川布政使右叅議

前福建按察使司僉事陳灝江西按察使僉事裴璉雲南按察使僉事姜滌陝西左叅政李賢禮部主事范敬先北流縣知縣李祥御史徐敬縣丞曹貴並為監察御史
壬辰夜大星有青白光燭地自八穀行入天鈞

十一月癸巳朔暹羅入貢

夜金星犯于箕宿

甲午信安伯張輔進封新城侯世祿千五百石 上嘗與邱福朱能等曰吾功臣次第封矣亦復有所恨乎對曰張玉在

臣等且讓之其子輔累功似少抑 上然之

甘肅總兵官平羌將軍後軍左都督宋晟封西寧侯世祿千一百石


乙未齊王棹上表謝罪

丙申 上聞雲南總兵官西平侯沐晟自調兵駐近老樞勅

即還且戡安南之兵

丁酉夜大赤星自中天流雲中北行

戊戌襄城伯李濬卒濬安徽和州人龍巖山左護衛副千戶從靖難積功封



夜大星赤光燭地自勾陳流至西北有一小星隨之

庚子施禮為山東道監察御史前河南布政使左叅議落職起江南淮安知府戍邊

勅趙王高燧曰朕居燕地二十餘年每遇邊警第嚴謹守未嘗一輕出兵昔中山武寧王開國元勳亦惟嚴加防守故無敗自今凡遇警其治備勿輕出兵爾其勉之

辛丑日本國王源道義入貢并獻前後倭寇邊者 上嘉之遣鴻臚寺少卿潘賜內官王進賜王九章冕服錢鈔織金文綺紗羅絹三百七十八匹

乙巳撫安江西 科給事中朱肇言南昌等民三千七百八


十七戶墾九江南康二府間田一千二百九十七頃有奇上未信曰或肇偽增希進用耳蓋肇輕刻脅有司給民從之其實不過二千人歲餘半窳果如 上之所料

丙午淳泥國麻那惹加那入貢

丁未夜月犯井宿

甲寅行人譚勝受等還自舊港梁道明鄭伯可等委施進卿代領其象自入朝賜文綺絹鈔

嚴從簡曰梁道明王直並入海為商者道明其終歸于首



邱王直其終殉于藁街其道不知順逆以擇禍福也哉

丙辰開雲南大理府銀冶

戊午月犯西咸

十二月癸亥朔封淳泥國王麻那惹加那乃賜印勅

甲子前浙江按察使司辛彥博為山東道監察御史

乙丑浚江南淮安支河

戊辰鎮守雲南西平侯沐晟奏官軍及車里宣慰等兵破八

百諸寨降之命班師

己巳夜金星犯壘壁陣

癸酉瓜哇國西王都馬板入貢

乙亥都督僉事黃中呂毅為左右副將軍佐廣西總兵官征

南將軍都督同知韓觀

丁丑行人聶聰還安南胡奎仍遣阮景真等請迎陳天平臣

率國人逆于境上許之

庚辰勅安南王孫陳天平歸國廣西副總兵都督僉事黃中

呂毅率兵五千護行


壬午瓜哇國東王字令達哈貢神鹿

西僧進佛像舍利金塔至京百官迎于龍江關封怕木竹巴

國權

永樂三年

三



灌頂國師闡化王

乙酉諭兵部曰西番馬至予真茶母偽惡令巡按御史採察以聞

丙戌夜月犯罰星中星

戊子琉球中山王山南王山北王各賀明年元旦

庚戌夜大星白光燭地自天廩行至游氣中

國權

監官設遷孺木著

永樂四年丙戌

正月壬辰朔天下官來朝

甲午勅諭文武述職諸王諸臣

夜火星犯天陰下星


乙未設鎮道楊塘二安撫司隸雲南

戊戌大宴群臣于奉天門蠻夷酋長皆起舞上壽呼萬歲

安丙申豐城侯李彬新城侯張輔討南陽皂君山盜

國權

永樂四年



安南陳天平陞辭賜綺羅紗衣各二襲鈔一萬貫命廣西左
叅政王麟送之別封胡查為順化郡公盡食所屬郡縣
已亥夜大星有光燭地自五車北流至紫微西蕃外
壬寅琉球國進鬥人闔人卻之 是夜月犯井宿
癸卯衣哇國西王都馬板入貢

夜金星犯木

丁未 上南郊

巳酉 知縣黨理為太僕寺少卿

先是日本國王源道義盡殲對馬臺岐等島海寇 上嘉之


遣使褒諭封壽安鎮國之山自作碑銘令勒石
韃靼滿東兒灰等率眾來降授官分居涼州莊浪寧夏三衛
各賜姓名都指揮同知滿東兒灰曰柴志誠都指揮僉事阿
兒刺台曰楊汝誠涼州衛指揮同知猛哥曰安汝敬指揮僉
事脫曰楊必敬只蘭曰吳克誠朶列干曰吳存敬莊浪衛
指揮僉事火失谷曰韓以謙祖住不花曰柴永謙寧夏衛指
揮使伯帖木兒曰柴志敬千餘戶衛鎮撫百戶等十一人皆
賜之

淳泥國使臣求中國冠帶賜之

國權

永樂四年

二



庚戌刑科給事中劉端為右春坊右司直郎

壬子設白納長官司隸貴州宣慰司

癸丑南陽皂君山盜卒

丙辰始御右順門晚朝諭六部及侍臣曰早朝事促午後稍

簡卿等可從容商榷毋以將夕倦朕也

邱濬曰我祖宗以勤為治無日不朝每日有早午晚之

朝或再朝焉誠以自古亂禍之端皆起自蒙蔽蒙蔽之由

起自上下之情不通起自君臣不相接見

然徒接見而不相親問答猶不見也故聖祖御製大誥

首篇以君臣同游為開卷第一義所以示萬世聖子神孫

者至矣

丁巳逮工部左右侍郎趙教劉仲廉以隱黃藤不報仍賦于

民被劾詞連尚書宋禮謂新除置之


戊午夜火星犯月

己未取哇國東王字令達哈入貢

置石城衛及可里踢千戶所女直野人

辛酉右軍都督僉事馬榮轉漕北京

沙縣知縣倪峻嘉魚冉通為兵科左右給事中大同後衛經



歷常忠為給事中

西域貢佛舍利禮部尚書鄭賜因請釋囚 上曰治先刑賞

梁武帝溺佛廢法此豈可效也

上聞哈密忠順王脫脫為祖母速哥失里所逐勅諭其大小

頭目

二月壬戌朔國子生彭進徐鑑方霖林道顧斌竇承芳朱福王

輔彭鑑劉煥黃負相都察院令史殷昶方翼並為監察御史

丁卯寧世子磐斌來朝

夜月犯畢宿

己巳翰林侍讀學士王達司經局洗馬兼翰林院編脩楊溥

主禮闈得貢士朱縉等二百二十人

置塔山衛 女直野人

庚午復建承天門 建文時災

辛未荔波縣民單敬信先招梅村等七十三洞徭即授荔波

知縣撫之

勅太祖高皇帝嘉禾詩于石裝賜群臣


復設開平衛謫戍充之

署四川行都司事前軍都督僉事程達擅調軍職下獄

國權

永樂四年

四



癸酉置兀也吾衛女直野人

除四川各邑荒田租

乙亥胙城典史郭純平陸典史傅衡永和典史汪瑜通道典

史王纘繁興典史車舒鳳林駙丞闊賡將軍駙丞章珩並道

監察御史

翰林脩撰徐旭卒旭江西樂平人洪武乙丑賜進士授御史

歷官國子祭酒坐事改雲南布政司叅議未行以文學改脩

撰没于禮闈賜祭其人寡諧而簡默方正終始不渝也

丙子勅諭武城侯王聰同安侯火真等往興和同武安侯鄭

亨等備寇

丁丑置哈三哈刺哈古賁河三千戶所木倫河野人

戊寅改燕山左右前衛濟陽衛濟州衛大興左衛通州衛俱

親軍指揮使司


己卯官軍有罪謫戍立功者悉復官

夜大星有光自雲中行至近濁

庚辰旦老人星見丁位

辛巳唐府長史程濟韓府長史司典簿魏居敬犯夜禁宥之

于是韓潘安伊魯唐岷府僚如審理奉祠工正等官百三十



回俱暫還里俟就國召之

癸未勅諭八百大甸軍慰使司力招散

夜金星犯天陰下星

甲申置嘉河哈密幹灘河二衛兀的罕千戶所女直野人

己丑右僉都御史俞士吉大理寺少卿袁復蘇州治水還京

先至私邸且受賂為左都御史陳瑛劾之逮下獄

庚寅置塔魯木蘓溫河阿連江速平江四衛女直野人

夜火星有火自井宿行至游氣

三月辛卯 上幸太學釋奠先師改服皮弁四拜禮訖御彛倫

堂祭酒胡儼講堯典司業張智講泰卦遍賚諸生三千餘人

親撰視學之碑

壬辰暹羅琉球入貢

癸巳夜大星光燭地自亢宿行至近濁


甲午設開原廣寧馬市

乙未嘉興知縣李鑑逮至以籍沒逆黨姚瑄遺其弟亨左都

御史陳瑛劾之鑑曰亨本無名 上釋之

廣東瓊州通判劉銘為知府銘招生黎萬餘戶

戊戌夜大星有光自紫微東蕃行至雲中



辛丑勅諭韃靼可汗鬼力赤

除廣西河池縣荒田今年租二千一百九十石有奇

壬寅策貢士于奉天殿賜林環陳全劉素等進士及第出身有差


永和王濟煨來朝

癸卯置吉河衛女直野人

丙午 皇孫瞻塔生

上親試下第貢士得周翰等二十一人賜冠帶周翰藍勛隸翰林院李弼漢府伴讀餘隸國子監

安南胡查伏兵劫殺陳天平時鎮守廣西都督僉事黃中呂毅率五千人送天平及于邛溫交人黃晦卿候供帳及牛酒勞師交人見天平皆拜舞欣躍中問何胡查何不至晦卿曰查踴躍俟命而天使儼然辱臨之敢不至偶霜露之疾俟于前道我偵騎亡它迎勞續于路遂前度隘留雞陵折斧站危徑林箐軍行不成列忽伏發劫天平鼓噪振山谷且十餘萬人官軍方整擊橋已斷賊遙拜賜曰遠夷何敢勞王師天平竇疎遠小人眩聖聽欲滅我胡氏幸得殺之以謝天子大理寺卿閻鄉薛崑謫廣西從行自經中等引還



設遷曰 文皇帝久歷兵間洞悉敵勢而為胡奎所紿抑
何疎之甚也彼既驚陳氏而據其國奄有南土帶甲數十
萬即堂、天斧藐不足長今發尺一之詔虛垂示義遠垂
首交臂舉全國以奉奔播之王孫其事在桓文上而謂荒
裔悍徵所有乎則狙我也必矣為當日計宜置天平于欽
州如漢之屬國凡銅柱以北蠻落洞酋俾聯羽接翼馳檄
關外列黎季犛篡奪之罪感動遺民如又不然今韓觀屯
千萬衆于江上西平侯沐晟以五萬衆問道于滇東西聲
合待胡奎質子至闕下天平始戒塗焉否則天平必不南


王命必不辱而一時之無慮及此者席累勝之威忽垂堂
之戒也嗟乎假 高皇帝值此諒不為遠人所嗤者矣
丁未復置曲先衛初洪武中置安定曲先其後朵兒只巴攻
之併曲先入安定至是安定衛指揮哈三散即思三即等奏
復之

築湖廣石首縣江隄

戊申夜大星自南游氣中至游氣

庚戌加賜邊軍布鈔

辛亥進施南散毛二長官司為宣撫司復設龍潭安撫司



癸丑選庶吉士江殷胡啟先孫迪張叔豫李岳潤陳孟潔張
文選鄭復言曾春齡蕭福曹閻盧永黃獻俱翰林院脩書餘
賜勅還鄉讀書

丁巳設哈密衛置印其頭目為指揮千百戶鎮撫有差周安
為忠順王長史劉行為紀善共佐脫

勅招海島流人

戊午設湖廣高羅安撫司木柵唐崖二長官司

四月癸亥進士江淵李綱為兵科給事中賈真汪彥純鄭景曜
博羅弘為監察御史

甲子禮部試歲貢生廣西斥落二人官奪學官歲俸杖提調
官 上宥之

辛未保安王尚煜順陽人王有烜來朝

上聞安南事怒甚諭成國公朱能等致討


壬申朝鮮入貢

甲戌設刺坎和瓦魯之草甸香羅回長官司隸雲南永寧衛

乙亥齊王榑乞請京謝罪許之

戊辰設孟璉長官司隸雲南都司

車里宣慰使刀邏答貢馬遣子刀興入國子監初官軍征八



百元江饋餉車里人邀之刀邏答時從軍不預也惧搆怨質
其子 上知之謂親隔萬里外非孝且朕非浮說所能間也
厚賜而遣之

己卯構遺書

進雲南鎮沅知州為知府土知州刀平知府事刀平從征八

百元江有功

庚辰有市外夷羶衫者錦衣衛論其通夷 上詰其實釋之

癸未進永州為府

甲申勅鎮守雲南西平侯沐晟選蜀兵七萬合討安南勅蜀

王椿選護軍五千從征

御史車舒急職見劾 上召詰之不能對戍邊

乙丑廣西布左政使儲顥坐科斂降為廣東左叅議

丙戌夜有大赤星光燭地自天市東垣行入天津沒


己丑錦衣衛校尉摘朝臣某謗毀朝政 上詰其實則私忿

生也 上惡其誣善下校尉法司論如律

五月庚寅朔諭法司錄囚

府軍左衛指揮僉事沐昂為雲南都指揮同知

夜金星犯三諸侯



乙未莊浪知縣顧佐為福建道監察御史

丁酉鑄征夷將軍並征夷副將軍印

宥都督程達從西平侯沐晟行營

勅諭韃靼鬼力赤部下阿魯台

戊戌別失八里國王沙迷查干入貢

前軍都督僉事馬瑛有罪降百戶

甲辰大理少寺卿陳洽赴廣西議兵

丙午令雲南土官三年一貢著為令

丁未賜安南人裴伯耆冠帶從征

復設司牧局

戊申秦王尚炳來朝甲寅辭歸

庚戌齊王搏至京師王陰蓄亡命養刺客咒詛僭帝號皆有

跡比入朝廷臣劾其罪王厲聲曰奸臣喋喋又欲效建文時

耶會盡斫此輩上聞之不懌削其官屬護衛留居京師

丙辰吏部尚書蹇義請罪齊官教授葉坦等上曰齊王凶

悖出天性朕拔王固固安全之誠心溫詞尚不得其聽况肯


遜于下置不問

徙神木縣于古城以綏德衛兵二千戍之

國權

永樂四年

十一



丁巳哈密忠順王脫、祖母速哥夫里及頭目各遣人謝罪
上勅戒之

大古刺土酋潑的那浪入貢初中官楊瑄雲南騰衝守禦千
戶所千戶孟景賢賈詔往不拜從置使者于南灘河不為屈
于是悔而禮之

戊午駙馬都尉富陽侯李讓舍人中監被告下錦衣衛反坐
告者廷讞則錦衣衛以賂故令都察院論家人如律

六月乙未朔日食陰雲不見禮部尚書鄭賜等乞表賀 上不
許曰陰陽家有云日食陰雲不見者水將為災其可賀乎

庚申詔各撫安司首領官皆定為吏目

辛酉脩廣濟縣江隄


北京行部尚書黃福左侍郎張思恭有罪謫辦事官從征安
南尋復其官

甲子諭侯臣曰昨一事失記久思得之朕萬幾易忽卿等其
悉記之備顧問

丙寅 上徧諭齊王之失于諸王

南陽獻瑞麥至五岐薦太廟

戊辰勅寧夏總兵官何福九月盡令降人郭大都等為鄉導



率騎出塞覘

庚午夜月犯罰星下星

辛未禁百官入朝私揖

日本國入貢

丙子令廣東貢夷值農時其方物貯南雄俟十一月運赴南安寬民力

戊寅賑靜寧平涼華亭隆德莊浪延川饑民

己卯代嵩溫等縣穀種千七百五十九石

壬午置大古刺底馬撒二宣慰使司小古刺茶山底板孟倫

八家塔長官司

乙酉行部刑部左侍郎張思恭還北京

七月戊子朔以伐安南告岳鎮海瀆

庚寅賑浙江嘉興縣荒民

國子監司業張智卒智順昌人洪武中舉明經授夷陵學正薦拜禮部右侍郎居二年左遷國子學錄進博士又進司業多識典故教循規矩


辛卯成國公未能為征夷將軍總兵官西平侯沐晟新城侯

張輔為左右副將軍豐城侯李彬雲陽伯陳旭為左右叅將

國權

永樂四年

十三



兵部尚書劉儁叅贊軍事都指揮同知程寬指揮僉事王恕
等為游擊將軍都指揮同知毛人丹朱廣都指揮同知魯麟
僉事王玉指揮使高鵬等為橫海將軍都督僉事呂毅都指
揮同知江浩僉事方政等為鷹揚將軍都督僉事朱榮都指
揮同知金銘都督僉事吳旺指揮同知劉塔出等為驃驍
將軍拜西平侯沐晟征夷副將軍同左叅將豐城侯李彬出
雲南共合兵十八萬別勅占城國王占巴的賴防遏安南
甲午賑丹徒建平黃梅新寧山陰饑民
甲申于闐入貢

丁酉大理寺右少卿袁復獄死
已亥夜大星自虛宿行至游氣
庚子除四川絕少戶茶課


癸卯征夷將軍成國公朱能等出師 上臨江送之

乙巳申嚴誹謗之禁

丙午夜月犯壘壁陣東星

丁未金吾左衛指揮使陳亨為右軍都督僉事

戊申國子生宋仲祥為監察御史



已酉國子監博士趙季通為司業起復右副都御史劉觀

復煎簡縣竹筒井鹽

庚戌夜金星犯井宿

辛亥賑甘泉縣饑民

甲寅命欽天監纂脩陰陽星命等書

閏七月己未朔勅征夷將軍朱能等入安南

九所得文籍圖志皆令勿毀

壬戌作北京宮殿備巡幸遣官分道採木四川工部尚書宋

禮湖廣吏部右侍郎師達江西戶部左侍郎古朴浙江右副

都御史劉觀山西右僉都御史史仲成泰寧侯陳珪北京刑

部左侍郎張思恭督陶

改建皇城于東隅相去舊宮可一里許制如南弘敞過之

戊辰申見丁著業之禁

己巳徵北京儒士武周文授翰林侍講學士周文善易上

夙重之嘗曰為學不可不知易即內君子外小人一語益人


君不淺周文辭老賜勅致仕

勅諭木邦軍民宣慰使罕的法賜金幣

上聞緬甸軍民宣慰使那羅塔攻殺孟養宣慰使刀木旦當

討遣行人張洪勅諭之母稔惡

辛未脩南京江浦縣江隄



甲戌置雙城撒刺兒亦馬刺脫倫卜顏五衛

乙亥召汪宗大季傑趙昇為監察御史俱謫籍

築浙江海鹽縣海塘

辛巳依哇國西王入貢

癸未旦老人星見

甲申福建建寧知府芮麟卒麟安徽宣城人監生先守浙江

台州練達得民苞直不入雖謫戍丹守建寧賑饑盜有古循

吏風尤好學工楷書

是月順天靜海縣雨雹傷稼

八月丁亥朔夜有大星青白光燭地自羽林軍行至近濁

戊子置兀蘭亦兒古里札來哈脫木河福山五衛女直野人

辛卯置札木哈衛

壬辰定北京兵馬司夜巡銅牌一如京師


癸巳脩武陽縣河岸中牟縣汴河北隄

丙申夜金星犯女星

丁酉令鎮守甘肅寧夏山西西寧侯宋晟左都督何福江陰

侯吳高擇牧地

勅通政司叅議賀銀等于細事俱不奏徑下六科 上知之



責其壅蔽

己亥濟南蝗通深晉景東鹿曲陽贊皇交河安平柏鄉任邱
等縣旱命戶部發粟四萬八千六百石有奇給賑之
庚子鎮守遼東保定侯孟善不法勅諭之

占城國入貢

辛丑夜月犯壘壁陣東星

甲辰置竦和免河千戶所

乙巳賜趙王高燧書聞都指揮款台過駙馬袁容門不下馬
幾筮苑晉王敦為駙馬恣橫卒滅亡覆轍在前可再蹈乎此

書觀畢仍以示容

丁未江西道監察御史桂林唐廣雲為北京國子司業


江西布政司右叅政張本開封知府任毅為工部左右侍郎

庚戌夜大星出閣道行人紫微東蕃外

辛亥夜月犯軒轅

發癸丑廢齊王樽為庶人王不悛益怨言除封幽王西內

設遷曰齊庶人以武自雄數出塞上習于恣肆東建文之
功令下錮請室當時義旅指此激釁及身正大位終無以
責其罪也戒之戒之毋記伏地哭時耶庶人不足責而墟



此青社後之人或不當深警建文也

徐學謨曰昔漢高帝誅丁公曰毋令後世人臣效之也谷
庶人金川門之迎自貽伊孽矣其後竟以讒誅語云物必
先腐也而後出入之誑一朝夕故哉

是月北京大雨水壞城舍傷人畜免今年田租

九月丁巳朔旌釣州表節孝行母喪哭不輟廬墓三年

戊午申民間巾服之制

別失八里國入貢

己未增北京官軍俸糧

辛酉臨汾王冲燭薨韓世子年四歲

壬戌設陝西甘肅二苑馬寺卿秩從三品少卿正四品

夜月犯南斗杓第二星

甲子河間知府崔衍為北京行部右侍郎復左侍郎李友直


官友直先坐事謫戍

置口陳千戶所

乙丑暹羅入貢

丙寅設重安長官司隸播州

戊辰賑蘇常松江杭湖嘉興復流民十二萬二千九百戶有



奇各安故業

己巳李隆嗣襄城伯 李濬之子

起刑部右侍郎李慶

夜有大星青白光燭地出自五車北行至雲中一小星隨之

辛王晉王濟煊廣昌王濟煊來朝辛巳還國 上戒諭之

丙子湖廣廣濟縣妖僧守座立白蓮社煽惑眾心伏誅

丁丑周王 橚 市馬甘肅塞外 上書止之

戊寅夜金星犯進賢星 帝 御者於三品火輝五四品

辛巳免廣西上林縣歲辦黑鉛

置肥河衛 女直野人

壬午設北京遼東二苑馬寺

時庶吉士王訓湯流柴廣敬先後卒 上客嗟久之曰人才

成之難喪之何易

癸未 上御右順門法司引奏浙西人告誹謗者追質皆不

識面 上怒其誣善立棄市

寧夏總兵官左都督何福請立東勝衛 上善之報以鎮


定邊諸衛皆定議之

夜大星火燭地出南河東行入星宿

國權

永樂四年

九



丙戌嚴匿名文書之禁

十月戊子征夷將軍成國公朱能卒于龍州能安徽定遠人以
燕山中護衛副千戶從靖難累功封及南征 上嘗占象曰
西師其有憂乎朱能智足辨也意北人不習暑耳年三十有
七追封東平王謚武烈

王世貞曰靖難之初起稱首功者獨淇公福成公能而已
然以天子親為大將每戰必在行而二公者雖計畫血戰
之績多然曷能一仗旄節出號行罰哉受賑南北為大將
帥能薨于師天寵蒞被福敗而殞坐違節制寧惟勿旌罰

乃及嗣平陰 張輔失律乘輿震躡寵以真王母廢世祀覆
敗同軌賞罰殊施嗟乎君猶天也天之未定孰敢議之

右副將軍新城侯張輔代總大軍


夜大星自天舡行入奎宿

己丑山西道監察御史甄庸為工部右侍郎

庚寅置密陳卜刺罕二衛 女直野人

癸巳夜月犯壘壁陣西星

乙未征夷右副將軍新城侯張輔等兵自憑祥度坡疊站望
祭安南山川傳檄數黎季犛二十罪令都督同知韓觀以廣



西兵運餉除道伐木繕閔梁出游兵偵賊鷹揚將軍都督僉
事呂毅等破隘留閔敗賊三萬衆留兵守大軍度閔軍容整
暇秋毫無犯

夜大星有青白光燭地自亥戈旁入七公尾散

丙申驃騎將軍都督僉事朱榮等兵至雞陵閔賦賊三萬人
拒我重塹鏢弩我擊斬六十餘人賊卻走

丁酉錦衣衛經歷許廓行人胡均進士李本監生張弼蔡誠
彭招尹醇鍾恕為給事中


夜大赤星自天津西至游氣

己亥前江西按察使周觀政上書求秘之上曰彼意不必

盡法祖真妄人也

浚江南常熟縣福山港

庚子張輔入雞陵閔偵芥站旁皆有伏令鷹揚將軍都督僉
事呂毅黃中等以兵搜捕之賊遁遂哨昌江市造浮橋築堡
遣鷹揚將軍方振遊擊將軍王恕等哨富良江北嘉林縣輔
自芥站西折北至江新福縣而左副將軍西平侯沐晟兵至
白鶴遣驃騎將軍朱榮會之晟亦遣都指揮俞讓來又三帶
州偽僉判鄧宗原南策人莫遠莫遠等來降言賊恃東西都



及宣洮洮富良海潮希麻牢諸江自固綠江樹柵築土城縣
亘九百餘里二萬人守之又富良江南岸下木札盡列戰艦
橋內東都守備嚴甚列象馬陣水陸師號七百萬蓋空國男
婦隨之以聲我師自新福移營于三帶州造舟圖進取
辛丑夜月食

癸卯設刺和在長官司隸雲南都司
令湖廣三司招洪州泊里蠻夷長官司叛蠻

丙午朱能赴至上哀悼輟朝五日諭祭

富昌伯房勝卒勝景陵人自偽漢來歸善射歷通州衛指揮

僉事從靖難封

夜大赤星自壘壁陣流至游氣

丁未命征夷右副將軍新城侯張輔為征夷將軍總兵官勅

曰昔開平王常遇春北討卒于軍偏將軍岐陽王李文忠代

之遂鼓諸將滅此殘孽將軍努力毋使岐陽獨專美前代也


回回結牙思進玉椀卻之賜鈔遣歸

夜大星光青白自北平杓南至游氣

戊申光祿寺監事井泉為光祿寺卿

原燕府典膳

乙卯百戶趙賢等還自塞北言首也孫台為部下所殺馬



免哈咱往瓦刺阿魯台往海刺兒河 上未之信命甘肅寧

夏開平興和大同守將謹偵 毋墮其計

夜金星犯房宿

丙辰有吏給事中因事逮下獄其父代陳悔罪 上憐而釋

之戒其再犯

夜大赤星出五車流光行至紫微東蕃內

十一月己未冬至宴群臣夜大星出太微流光餘行至游氣

癸亥脩江南高郵州東河隄浚江都縣劉家港

甲子設桑植安撫使隸尤溪衛

青州右衛改天津右衛

丙寅夜大星光青白燭地自天苑流光餘行至游氣中

己巳甘露降孝陵松柏醴泉出神樂觀取獻于太廟分賜廷

臣 上受賀


癸酉起復工部左侍郎兼詹事趙教

工部左侍郎張本右侍郎甄庸坐事免官仍冠帶從事

己卯置札童撒兒忽罕荅河三衛女直野人

命各雜犯死罪以下聽贖發遣

庚辰 上聞寧夏總兵官左都督何福多見忘勅其慎起居



或遺爾飲食亦不可不謹

辛巳戶部人才高文雅言時政首及建文事次救荒恤民其語率直左都御史陳瑛劾其妄欲下吏上曰草野不知忌諱採其言勿廢也下吏部授官

壬午趣征夷將軍張輔等進師期明年二月破賊凱捷

安福盜平

癸未夜大星出上台光青白流向東北

甲申復置阿端衛洪武中置尋廢

十二月丙戌朔復張泌為光祿寺卿前因事謫役

行人成務為山西道監察御史

朝鮮暹羅入貢

丁亥召興和備禦武城侯王聰同安侯火真等還北京

右通政張璉役蘇松常鎮人十萬浚孟瀆河至奔牛鎮七千


五百五十餘人

戊子駙馬都尉沐昕迎尚師哈立麻初中官侯顯往烏思藏

徵哈立麻至是報入境故遣昕

辛卯詔大赦

左副將軍西平侯沐晟奪宣江而軍次洮江與多邦城對壘



征夷將軍新城侯張輔遣右叅將雲陽伯陳旭合攻洮江作
浮橋濟師驃騎將軍都督僉事朱榮等敗賊嘉林江而張輔
議上流渡遣榮于下流十八里對賊日偽增其軍列筏誘之
賊果分兵登劫榮等大破之
壬辰別失八里國入貢
夜大星出參宿後二小星隨之
癸巳韃靼頭目苦木帖木兒等來歸授都督僉事賜名氏柴
永正達丹莊浪衛指揮僉事賜名氏安汝堅把的正千戶賜
名氏平以正

丙申張輔克多邦城先留都督高士文于箇招市江接朱榮
等兵大軍合左副將軍沐晟賊沿河柵皆迫水不可上惟多
邦城下沙坦可駐師而賊嚴備下設重濠：外復為坎：外
皆蒺藜士馬甚盛輔購死士為雲梯夜蟻附而上賊列象陣
以拒輔夙具繪獅蒙馬而衝之象皆股栗退走矢石盡發呼
聲動天地賊大潰

丁酉起復左僉都御史趙翥

張輔循富良江擣東都黎季犛急焚其宮室遁入海


東都即交州

戊戌趙王高燧入朝

國權

永樂四年

二



己亥置木魯罕山衛 女直野人

癸卯左右叅將豐城侯李彬雲陽伯陳旭下西都都督黃中等屢敗賊生厥江潭舍江于是三江宣江洮江等州縣次第俱降

乙巳復右僉都御史俞士吉官

己酉除廣西戶絕田及桑棗茶租稅

尚師哈立麻入朝奉天殿初上欲躬勞之尚書夏原吉言宜示以君臣之禮上曰卿欲效韓愈耶賜金銀鈔幣甚腆廣東按察使羅觀有罪下獄死

貴州總兵官鎮遠侯顧成招諭合江等寨皆來歸


辛未淳泥國娑羅國東王西王各入貢


甌寧王允熈薨懿文太子長子建文帝時對徐王 上即位

封敷惠王二年改為甌寧王奉懿文之祀一夕薨于火年十六賜謚哀簡

設遷曰懿文性惇大奸行其德遭家不造餒同若敖嗚呼天哉孔融二子云覆巢之下寧有完卵甌寧王以火梅殷以水文皇帝深為天下計無及其私矣

甲寅哈密入貢





庚申 旌旗手 衛千戶 張儀弟信孝行嘗封肝愈母疾授尚寶司司丞

壬戌平江伯陳瑄都督宣信總督海運

甲子勅張輔等聞破賊多廣西轉餉可停如在塗即道貯之

丁巳 上南郊

戊辰置喜樂溫河木陽河哈蘭城可令河兀的河阿石河撒

只刺河依木河亦文山木蘭河阿資河南里河十二衛 女直野人

己巳立五臺山寺塔

初張輔偵賊歷富良江距交州下流二十餘里黎季犛子澄

等出黃江屯兵木九江沐晟及叅將豐城侯李彬等自富良

江進魯江賊五百艘犯我軍逆戰大敗之斬一萬餘級

辛未浙直私披剝請度牒者千八百諸人悉戍邊遼東甘肅

壬申潛江王貴炖薨年七歲

白嶼洋偽都總管林來等來歸隸籍潮州

癸酉衢州府郭敷武進縣朱仲安攸縣王處敬為監察御史

甲戌賜尚師哈立麻儀仗視諸王

乙亥安鄉伯張興卒興安徽壽州人自行伍歷燕山左護衛

指揮僉事從靖難敢戰封

丙子設鎮南長官司隸施州衛

國權

永樂五年

二

順天涿州等處水災蠲粟五萬二千三十石有奇

丁丑置朵兒必河衛野女直 是月晉王濟熿宮中火

巳卯賜陝西都指揮僉事朵兒只寧夏都指揮僉事缺住姓

名柴克恭

壬午罷軍民伐木 置納木河甫門河二衛女直野人

二月丙戌朔置哥吉河野木河刺細吉河亦里刺河答刺河五衛

張輔遣南策人莫邃等招諭郡縣俾官民復業訪求陳氏後

庚寅尚師哈立麻建齋靈谷寺厚賜有差

勅廣西總兵官都督同知韓觀等移勦柳州潯州諸蠻

翰林學士兼右春坊大學士解縉降廣西布政司右叅議左

春坊左中允尹昌隆改禮部主事初封安南時解縉力言交

趾古羈縻國不足郡縣置上不憚頃之廷試讀卷又謂不

公故左遷

辛卯夜大星出天厨光青白流至近濁

壬辰虎賁士百餘人奉遣掠民財治之如律

夜月犯井宿


癸巳勅張輔等訪安南才德賢智之士

戊戌朵顏衛頭目把禿來朝乞省母北京許僦居

國權

永樂五年

三



甲辰夜月犯天江中星

丙午復設五峰石寶長官司隸湖廣都司

丁未婆羅國入貢

癸丑置阿刺山隨滿河撒克河忽蘭山古魯渾山石五衛
夜大赤星自牛宿行至游氣中

甲寅真定保定水災蠲租三萬二千三百十五石

三月丙辰博興訓導楊衷為廣西道監察御史

復設東鄉五路安撫司隸施南宣撫司

琉球國山南王汪應祖入貢

丁巳封尚師哈立麻為萬行具足十方最勝圓覺妙智慧善

普應佑國演教如來大寶法生西天大善自在佛領天下釋

教賜印誥其徒封大國師各有差賜印誥金幣宴奉天殿時

賜賚無美翰林侍讀李繼鼎曰彼神通當能漢語何待譯其


教人誦唵嘛呢叭彌吽乃俺把你哄也

黃瑜曰東井陳先生宣之 政為雲南憲副嘗見而番僧至

其滇遇早能入海擒龍歸鉢中以劍擬之輒雷電而雨足

履衢石深入數寸既去則鞋跡存焉咒六畜生者輒死復

咒之則死者再生此元人所以尊信加帝師號至于皇天



之下一人之上蓋懾其邪術故也書曰三危既宅三苗丕
叙以南蠻西戎即今肅州之地也又曰織皮崑崙析支渠
搜西戎即叙今西番西番有崑崙^山在焉析支即今西番有
支水存焉渠搜即河套東南有渠搜縣故城在焉三國^析
皆以織皮為貢即次云者以次相聯使屏蔽北狄也夫
文皇帝崇禮西番為師徧為建寺蓋有意于此惜乎無以
唐虞故跡告之也

庚申駙馬都尉胡觀以黨李景隆被劾下獄
辛酉設四川馬刺長官司

甲子四川大木自一夕自山浮出于江工部尚書宋禮以聞
上賜名神木山遣祭勒碑于山上


征夷將軍張輔馳上安南軍民人等降言陳氏業已殲盡乞
復故郡縣

丁卯夜大星光青白出市東垣行入天津
己巳置考郎兀亦速里河二衛女直野人

設雜谷安撫司達思蠻寨長官司

庚午哈密忠順王脫、貢馬諭其忠孝

築山東東昌潰隄



夜月犯房宿

辛未勅陝西都指揮僉事劉昭何銘等征西番朵甘烏思藏等處設立站撫安軍民

壬申守衛官誦經皇城下不輟 上召責之

癸酉選國子生蔣禮等三十一人隸翰林譯書仍許鄉試

誅禮部右侍郎戚存心存心先泄機密宥之至是 上夜御

右順門急召禮部官命至邸滅燭就邸 上久待不至還奏

得實誅之

戊寅新淦訓導吳嘉靖為左春坊左中允大治

知縣于賢為廣西道御史

己卯趙王高燧還北京

置野免定河卜魯丹河二衛 女直野人

辛巳改上林署為上林苑監兼用中官

張輔沐晟等敗黎季犛于富民江初追賊膠水縣之閭海口


地下濕不可屯乃陽還師鯨子閩築堡俾都督柳升守之賊

果來躡輔等回軍值于富良江賊周亘十餘里又精卒數萬

陸戰我夾擊大敗之斬數萬級江水為赤長驅至黃江抵閩

海口季犛等潛遁偽吏部尚書范元覽大理寺卿阮飛卿等

皆降



庚申夜大星光青白自天廟行至近濁有二小星隨之
夜又大星自天市東垣行至近濁

甲申詔北京夏稅及赦前租稅課程悉輸鈔

四月丙戌興平王尚焯永壽王尚炆來朝

平陽王濟熿來朝 上以祖訓入朝長至幼謫先庶今非序

非召卻之

緬甸王官那羅塔等以行人張洪等宣諭貢方物謝罪

戊子行人李克讓為四川道監察御史

辛卯皇長孫出閣就學太子少師姚廣孝翰林院待詔魯瑄

鄭禮等直講

甲午前禮部儀制郎中兼右春坊右贊善李繼昂侍皇長孫
仍右春坊右贊善

勅寧夏總兵官左都督何福比內使林清擅索兵數爾遽示

之何也自今慎之慎之

增置各省按察知事管屯糧

乙未順陽王有烜來朝


琉球國中山王世子思紹入貢

右僉都御史史仲成憂去

國權

永樂五年

七



丁酉寧世子磐斌代世子遜端來朝

別失八里國入貢請兵服撤馬免罕諭止之

哈刺火州三子哈散土魯番萬戶賽因帖木兒都陳城萬戶
瓦赤刺等俱入貢

戊戌勅甘肅總兵官西寧侯宋晟軍士潛出境留失別失八
里哈刺火州泄事具嚴加約束

庚子朝鮮入貢

後軍都督僉事曹遠卒遠安徽定遠人

丙午夜大星自庫樓南行至雲中

戊申復設忠路忠孝金峒三安撫司隸湖廣施州衛


陳陳士元曰予杜友尹惟一宰建始時悉完施衛事嘗為予

言施夷性悍黠設衛羈縻不純以法繩也諸土司初奉衛官
惴惴惟謹而衛官貪賄敗度乃今諸土司桀驁輕視衛官不

為意或議宜增設府制如馬湖故事復清江建始為屬邑
仍置南坪堡統于衛其崛強豪酋即立為千總而責以事

任馬衛官惟理戎務耳賦徭訟獄一切皆主于郡、分尊
而職專選有才望者為之經略數年自土潛消土酋之驕

恣而邊民賴以久安矣



給霸州密雲曲陽等粟豈一萬八千三百九十石農種

乙酉都指揮僉事為中軍右都督

增順天河間保定饑民

庚戌設西山陽峒蠻夷長官司隸貴州

雲南八百大甸軍民宣慰使刀招散入貢方物及金銀器謝

罪受之

五月乙卯徙平陽澤潞登萊民五千戶實上林苑

辛酉武昌僧求脩觀音閣祝釐不許


甲子開平衛卒蔣文寔言物料非土產者勿取旌表節義當

從公上從之

征南兵獲黎季犛等安南平初張輔等次演州偵季犛走入
安之深江乃自陸進都督僉事柳升以舟進沐晟等循峯厥
江至日南州奇羅海口大敗之得舟三百輔等追之永平衛
卒王胡柴等七人擒季犛及子澄等

乙丑安南人李如卿等于永蓋海口望高山獲大虞國太上
皇帝黎蒼偽太子黎芮梁王黎澈等柱國東山鄉侯胡杜等
夜月犯東咸星

丙寅遣諭瓦剌馬哈木時聞廢鬼力赤立本雅失里



戊辰大星出紫微着內行至游氣中

己巳 上幸靈谷寺

庚午設赤溪南洞長官司隸思州

辛未河南饑有司匿不以聞悉下刑部獄命亟賑之

壬申夜大星出郎位行至游氣中

甲戌選安南人補大軍

己卯日本國入貢并獻倭寇道金等

復工部左侍郎張本右侍郎甄庸官

辛巳右僉都御史俞士吉巡視浙江民瘼還上聖孝瑞應頌

以諛詞擲還之

壬午福建都指揮僉事張豫坐頑置番國方物不如法謫戍

安南

六月癸未朔詔平安南

安南陳氏已絕設交趾都指揮司都督僉事呂毅署司事黃

中副之工部尚書黃福兼署布政按察二司前工部左侍郎

張顯宗福建右叅政前江^王平^為左右^{布政司}按察使周觀前河南左右叅政


劉本劉星為左右叅政前江西按察使周觀政降人裴伯耆

為左右叅議前河南按察使阮友彰按察副使楊直為按察

國權

永樂五年

十



副使前太平知府劉有年為按察僉事府有十五交州北江
諒江三江建平新安建昌奉化清化鎮蠻諒山新平演州又
安順化州四十七縣百五十七得人民三百二十二萬有奇
蠻人二百八萬七千有奇粟一千三百六十萬石畜產二十
三萬五千九百有奇舟八千六百七十七艘兵器二百五十
三萬九千有奇交趾鹽課提舉司改雞陵關為鎮夷關立

設邊日交趾安南用兵自兩漢後無全利矣蓋夷性獷悍
叛服不恒 文皇力求陳氏後興滅繼絕德意甚盛而莫
遂等云血胤漸盡果凶德參夷之極或仰窺風旨欲以示

漢大也噫土人之戀主如越烏代馬其性難移大軍甫旋
陳季擴竊王郎之號煽誘荒裔雖狡偽遠禍而求其不侵
不叛安若覆盂則招携以禮懷遠以德尤所當講者也


大理寺卿陳洽改吏部左侍郎給符驗二千道
丁亥安陸衛指揮僉事劉震為交趾都指揮僉事

戊子治北京典神祇壇及一切祭器樂器

己丑山陽人丁珏訐鄉人誹謗者上才之授刑科給事中

庚寅都督同知朱崇都督僉事冀英等鎮守浙江等處

設山東德州左衛



辛卯禮部右侍郎趙珣為尚書

壬辰命指揮徐佑周鼎劉綱選湖廣、東貴州壯士三萬人
同錦衣衛指揮程遠期十月朔會廣西韓觀兵勦柳潯蠻
癸巳設交趾交州左右中前等衛昌江衛邛温衛市橋隘留
關二守禦千戶所

乙未勅張輔移兵會廣西韓觀勦蠻

翰林侍讀學士王達卒達字達善江南無錫人自大同訓導
私謁燕邸進國子助教翰林編修工詩文性謙冲恭慎上
問建文帝云何曰可為善第輔導悞之耳年六十有五


庚子昨歲命內使李進採山西天花菜至是進又矯旨往遣
御史鞠治

壬寅駙馬都尉宋琥省西寧侯晟于甘肅

令雲南各學皆行釋奠禮

癸卯徵交趾人才以備錄用

兵科給事中傅安郭驥等還自撒馬兒罕初洪武二十八年
使撒馬兒罕被留十三年至是頭目哈里歸之同行御史姚
臣太監劉維等俱沒官軍一千五百餘人生還僅十七人
丙午設濟寧衛增徐州中左中右二千戶所



夜月犯火星

庚戌左通政趙居任脩築浙江江隄即今錢塘江

辛亥廣西柳州自正月不雨命戶部馳視之

七月壬子朔命甘肅總兵官宋晟選千人或五百赴哈密助忠

順王脫

癸丑甘肅總兵官西寧侯宋晟卒晟字景暘定遠人從太

祖起兵歷中軍都督僉事鎮涼州建文初徙鎮河西上即

位拜後軍左都督鎮守如故威信素著大酋多來歸得封

子三瑄禦靖難兵戰沒靈璧琥尚安成公主瑛尚咸寧公主

夜金星犯右執法

乙卯皇后徐氏崩后乃中山王之長女仁明賢淑漢馬氏

唐長孫氏之流也年四十有六

戊午夜大星自五車旁行至游氣中


山東兗州蝗災

甲子夜火星犯木

乙丑山西左叅政王彰為禮部右侍郎

丁卯駙馬都尉宋琥為平羌將軍總兵官鎮守甘肅

河決河南傷稼壞城屋淹人畜命有亟塞治之



戊辰浙江左叅議左獻為刑部右侍郎

庚午國子生劉安石礪陳瓚秦茂王會李旭戈定遠等為監

察御史

癸酉夜火星犯諸王西星

甲戌朝鮮入貢

乙亥有牧卒告人咒死其馬上以誣詞斥之

丙子立神樂觀醴泉碑

戊寅兵部右侍郎兼少詹事墨麟卒麟高陵人入太學拜御史尚嚴刻剛糧長之無辜者進北平按察副使靖難時城守

功進侍郎晚腐足如削洵冥中報矣

己卯山東布政司左叅政郭璉為工部右侍郎

辛巳徐欽嗣魏國公

徐輝祖之長子

乙酉乙酉勅諭寧夏總兵官何福左都督往鎮守甘肅

令駙馬都尉宋琥還喪京師

己丑夜大赤星有青白光燭地自天桴行至雲中沒

癸巳老人星見


丙申太白晝見

戊戌夜月犯外屏西星

國權

永樂五年

十四



張輔遣游擊將軍都指揮同知朱廣鷹揚將軍都指揮僉事
方政會都督韓觀勦廣西叛蠻

巳亥占城國王占巴的賴奏復安南侵地獻俘 上嘉納之
夜金星犯氐宿

庚子錄囚貸輕罪
辛丑夜大星自雲中流至東南

甲辰夜大霖雨壞北京永平山海保定城垣


巳酉四川布政司右叅議政宋性為北京刑部右侍郎
夜火星犯司恆

庚戌止各郡縣父老進香

前軍都督僉事高士文討廣源餘寇連戰中炮死之都指揮
程瑒兵繼至盡平之士文善騎射自小校授燕山左護衛百
戶靖難時每戰先登

夜大星光燭地自五車流入紫微西蕃至鈞陳

九月壬子太監鄭和還自西洋械獻舊港海賊陳祖義蓋詐降
襲我幸先備擊殺五千餘人執祖義械至京師伏誅
蘇門答刺國古里國滿刺加小阿蘭國阿魯國入貢
夜大星光白自紫微西蕃行至雲中



癸丑夜金星犯東咸

甲寅國子生李琳為山東道監察御史

乙卯安南獻俘偽大虞國上皇黎季犛偽皇帝黎蒼偽衛王

黎澄偽梁王黎澈偽新興郡王黎注偽太子黎芮等二十五

人上廷責季犛父子頓首謝罪下獄赦其子孫給衣廩

丙辰賞獻俘將士都督僉事柳升橫海將軍都指揮魯麟等

丁巳開福建浦城縣銀冶

戊午舊港頭日施進卿入貢特授舊港宣慰使司賜印誥

庚申朝鮮入貢

癸酉張輔送交趾工匠七千七百人至京

辰哇國西王都馬板入朝貢謝罪初西王起兵攻滅東王及

朝使過東王城被殺我軍七百十人至是懼甚上責輸黃

金六萬兩

丙子太監王貴通貴賈勅勞占城國王占巴的賴

夜大星自文昌行入北斗魁

十月辛巳朔交趾甘潤祖等十一人舉明經悉授諒江等府同


知縣上作詩勉之


癸未夜金星犯南斗魁

國權

永樂五年

十六





丙戌有守衛卒乞省母疾 上曰何不早言曰昨告守衛官

不聽 上怒斥守衛官戌邊

丁亥張輔等訪舉交趾文武才藝之士九千人命給綿衣靴

襪入京

夜有大星青白光燭地自雲中流至近濁

戊子勅責老撾宣慰使刀線歹助黎季犛兵象

己丑諭刑部尚書呂震允戌邊各從南北風土所宜聞北人

苦爰瘴其政佃北京全活之

辛卯紹興人告鄉人居室遠制 上曰江南少兵草多宋元

故居何可概罪令巡按御令史驗之

壬辰遣諭兀良哈三衛

甲午定冊謚 大行皇后曰仁孝皇后

丙申高平王濟燁來朝進羊馬

夜月食

戊戌增設北京苑馬寺二十四苑

夜月犯東井

辛丑暹羅入貢初占城貢舟風漂至彭亨國暹羅掠而留之

又奪蘇門答刺國滿刺加國所賜印誥事聞勅諭其國王昭

祿群膺哆囉諦刺

夜月犯軒轅

癸卯追贈安南陳氏子孫七人叅政叅議等官俱黎賊所害

夜月在太微垣犯內屏

乙巳夜大星出內屏行人北斗杓

丙午鎮守江南儀真都督譚青不法被劾上宥而切責之

丁未命右副都御史劉觀遣還山西採木之卒俟明春至

左通政使楊泰為北京刑部右侍郎

廣西柳州潯州等叛蠻悉平

己酉夜大星有光出卷舌西北行至游氣中

庚戌韓王松薨于京王機辨通古今恭謹無過謚曰憲葬安

德門外

十一月辛亥朔張輔班師還

冒起宗曰成祖之貸胡查至矣查不悟卒以滅亡春蝨爾

蠻夷方大邦為仇其謂是與乃老樞達天平之奏比及平

交又佐黎逆何始終之背也君子曰夷獠譎詐不足憑也

陰柔反復不足誅也雷霆之擊討大山海之藏宥小斯帝

王之量然哉

國權

永樂五年

大

